

EXOKIT

AR VAN LIFE* WAR-HED DORN

Pe e vefe evit un dibenn-sizhun, ur sizhunvezh pe memes e-pad ar bloaz, e vez muioc'h-mui a dud e Frañs o hunvreal er vanoù kempennet a ra dezhe soñjal er vakañsoù hag er frankiz. War borzh al Lege e Sant-Brieg emañ ar stal Exokit ma kaver diskoulmoù evit kempenn ur van diouzh c'hoant pep hini, gant arrebeuri e kit, d'ar vitrakerien – memes ar re a vez a-wechadoù hepken – da gregiñ e-barzh evit adfichañ o c'harr.



THIERRY JEANDOT

Bezañ zo istorioù hag a gomañs a-greiz-tout. Ur skouer vrav eo hini Exokit. E 2020, war borzh al Lege, e oa Raphaël Guigo ha Morgan Barroux o klask ober un dra bennak goude ma oa serret ar stal ma oant o labourat o-daou. « Ezhomm hon doa da gavout ul lec'h evit bitellat ha labourat war ar pezh a felle dimp ober pep hini eus e du, en deus soñj Raphaël. D'ar mare-se e oan e-sell da lañsañ un dra war dachenn ar plankennoù-dre-lien. Evit Morgan, krog e oa da gempenn ur van Ducato. Graet e oa hon soñj ganimp da rannañ ul lec'hienn etrezomp hon-daou el Lege. » Gouzout a rae Morgan diouzh an tresañ 3D, gant-se e fardas un azezenn lem-laka diouzh muzul, hag a sachas evezh an dud. « Tout an dud a lâre dimp : « Dreist eo an dra-se ! » Neuze hon doa soñjet e c'hallfemp ober kemend-all evit tud all ha diwar-se e oa krog afer Exokit da vountañ en hon fenn. »

BERZH KENKENT

Broudet ma oa gant ar birvilh a oa gante e prenas Raphaël ur van nevez, un T5. « Bet eo oc'h ober prototip ganimp, emezañ. Embannet e oa bet daou pe dri foltred war Internet, ha lev ! Gwelet eo bet hon labour gant ur c'hempenner hag en deus goullet kaout 10 en un taol. Ar vrud zo aet war-raok da-heul. » Neuze e voe krouet ar stal Exokit end-ofisiel e miz Du 2020. He jeu dezhi ? Ijinañ ha sevel arrebeuri diouzh muzul evit adkem-

Raphaël Guigo et Morgan Barroux dans un Transporter T6 récemment aménagé par Exokit.

« HANTER HENT ETRE AN ARTIZANEREZH HAG AL LABOUR PEUZINDUSTRIEL »

penn vanoù ha chalbotennoù. Gant un dra hep e bar, ha neket un dister dra : pourchaset e vez arrebeuri e kit, d'ar brenerien da staliañ anezhe o-unan.



Retrouvez cet article en breton et en gallo sur cotesdarmor.fr

PLUS D'INFOS

Exokit / Homad - 10 quai Armez
22 000 Saint-Brieuc
www.exokit-van.com - www.homad-van.com

Mod-se ne goustont ket ken ker, ar pezh a blijas d'an dud kenkent : daou vloaz goude e kinnige Exokit ouzhpenn 45 patrom diouzh muzul evit ar vanoù, koulz ar re vras hag ar re vihan. staliet diouzh c'hoant pep hini... Fardet e vez tout ar pezhioù, nemet ar c'hinkailhe-rezh, war al lec'h, el Lege, en ur stal-labour 10 implijad enni, ma c'haller produiñ peadra da gempenn 450 karr bep bloaz. « Emaomp hanter hent etre an artizanerezh hag al labour peuzindustriell », a wel a-walc'h Morgan, en deus imor da vont pelloc'h ganti. Rak savet zo traoù all da-heul Exokit dija. Alies e teue tud da welet anezhe abalamour ma felle dezhe lakaat adkempenn o c'harr penn-da-benn, gant-se e oa bet lañset Homad gant Raphaël ha Morgan e miz Mae 2022. Gant ar stal nevez-se e vez renevezet pe pourvezet, evit ul lodenn pe penn-da-benn, vanoù nevez pe re eildorn. Evel kustum gant Exokit e vez graet an traoù diouzh muzul ha ma vez ezhomm e c'haller staliañ prenestroù ouzhpenn enne, lakaat anezhe da vezañ didreuz, staliañ tredan pe ur gegin aotreet... hag arrebeuri Exokit evel-just. « Emaomp e-sell da grouiñ ur rouedad stalioù Homad frañchizet e Frañs, abalamour da vezañ tostoc'h ouz ar pratikoù ha d'en em astenn », a zispleg Morgan. Da c'hortoz emañ skipailh Exokit o paouez krouiñ ur produ nevez evit an dud a fell dezhe tremen vakañsoù baleant, ha pa n'o defe van ebet. « Empennet hon eus ur val enni peadra da gousket, ur sklaserzh, un dommerez hag ur c'huzhiad dour, a zispleg Raphaël. Lakaet e vez er c'houfr ha ganti e c'haller lakaat n'eus forzh peseurt brek pe karr dezougen da vont d'ober ur van bihan, ha gallout a reer renkañ anezhi er c'harrdi pa ne vez ket implijet. » Peadra da lakaat muioc'h a dud c'hoazh d'anavezout ar van life* ! ●

Virginie Le Pape

* ar mod bevañ en ur c'harr adkempennet, tost ouz an natur ha gant frankiz da vont ha da zont.